

KONTRATA

E SHOQËRISE ME PËRGJEGJESI TË KUFIZUAR «CCS Solution» SH.P.K.

Personat që nënshkruajnë më poshtë :

Sokol Qeraxhiu, e biri i Mehmetit, i datelindjes 16.05.1971, banuese në Tiranë, me adresën në Rrugen "Elbasanit" pallati i ri 12 kat. Prapa Leon-Parkut, me pashaportë Nr.Z1684967.

Genci Likoskendaj, i biri i Laverit, i datelindjes 16.02.1969, lindur në Fier dhe banues në Tiranë. Rruga « Komuna e Parisit », me pashaportë Nr. Z 0897034.

Kanë hartuar si më poshtë vijon Kontratën e Themelimit të një shoqërie me përgjegjësi të kufizuar.

Neni 1

Personat fizikë të sipërpërmendur, me vullnetin e tyre të lirë dhe në pajtim me legjislacionin shqiptar në fuqi, kanë dakort të krijojnë shoqërinë e përbashkët me përgjegjësi të kufizuar me emërtimin „**CCS Solution** „ sh.p.k.

Selia e shoqërisë ndodhet në Tiranë, Rr.“Sulejman Delvina”, Pall. 2/1 Ap.2 pranë Stadiumit Dinamo.

Ortakët e shoqërisë do të jenë: **Z. Sokol Qeraxhiu** dhe **Genci Likoskendaj**.

Administratore të Shoqërisë do të jenë: **Z. Sokol Qeraxhiu** dhe **Genci Likoskendaj**.

Neni 2

Shoqëria „**CCS Solution**” sh.p.k. gëzon statusin e personit juridik. Veprimtaria e saj do të zhvillohet sipas dispozitave të kësaj kontrate, statutit të saj dhe legjislacionit shqiptar në fuqi. Statuti i shoqërisë i bashkangjitet kësaj kontrate dhe është pjesë përbërëse e saj.

Neni 3

Veprimtaria e shoqërisë si person juridik fillon me aprovimin e krijimit të saj nga organet kompetente të shtetit dhe do të vazhdojë për një periudhë kohe mbi 10 vjet.

Neni 4

Shoqëria do të ketë objekt të veprimtarisë së saj:

- **Krijim, Zbatimi dhe Intergrim të sistemeve të Informacionit dhe Programeve;**
- **Zbatimi dhe Ndertimi i Sistemeve të Komunikimit në rrjetë;**
- **Import dhe Eksport pajisjesh dhe programesh në fushën e Teknologjisë së Informacionit dhe të Komunikimit;**
- **Konsulencë në fushën e Teknologjisë së Informacionit, të Komunikimit dhe të Sigurisë në to;**
- **Mirëmbajtje dhe Administrim të Sistemeve të Informacionit si dhe të Sistemeve të Komunikimit.**

Neni 5

Kapitali themeltar i kësaj shoqërie do të jetë 100.000 leke (njqind mijë)

Të gjitha pjesët e kapitalit themeltar janë nënshkruar, shlyer plotësisht dhe janë shpërndarë ndërmjet ortakëve si më poshtë:



Sokol Qeraxhiu 40%

Genci Likoskendaj 60%

Neni 6

Fitimi neto që do të realizohen nga veprimtaria e kësaj shoqërie do të ndahen ndërmjet ortakëve në proporcion me kontributin e tyre në kapitalin themelues sipas raportit të përcaktuar në nenin 5 të kësaj kontrate.

Neni 7

Për detyrimet që do të krijohen ndaj të tretëve gjatë aktivitetit të kësaj shoqërie, kjo shoqëri do t'i përgjigjet vetëm me kapitalin e saj.

Ortakët nuk mbajnë përgjegjësi për detyrimet e shoqërisë me pasuritë e tyre që nuk bëjnë pjesë në kapitalin e kësaj shoqërie.

Neni 8

Nuk mund të pranohet në shoqëri si ortak një person i tretë pa pëlqimin unanimit të ortakëve.

Nuk mund të hiqet dorë nga kjo kontratë në mënyrë të një anëshme pa pëlqimin e ortakëve të tjerë.

Ortaku që dëshiron të shesë pjesën e tij në këtë shoqëri është i detyruar që ofertën e tij për shitje t'a bëjë ortakëve të tjerë dhe në qoftë se këta të fundit nuk pranojnë blerjen ose nuk japin përgjigje brenda 30 ditëve nga dita e berjes së ofertës, atëherë ortaku është i lirë të disponojë pjesën e tij tek të tretet me çmimin që ja u afroi ortakëve të shoqërisë.

Neni 9

Ortakët janë të detyruar të ruajnë karakterin konfidencial të aktivitetit të shoqërisë.

Ortaku që shkel detyrimin e më sipërm dhe nga kjo shkelje i shkaktohet dëm shoqërisë, është i detyruar të shpërblejë dëmin.

Neni 10

Marrëdhëniet e punës në shoqëri ose në filialet e saj rregullohen nëpërmjet kontratës kolektive të punës.

Neni 11

Konfliktet që lindin ndërmjet ortakëve duhet të zgjidhen në marrëveshje midis tyre. Në qoftë se ortakët nuk marrin vesh për zgjidhjen e konflikteve me mirëkuptim organ kompetent për zgjidhjen e tyre është Gjykata e Rrethit Gjyqësor Tiranë.


Neni 12

Dispozita të hollësishme për organizimin e shoqërisë përcaktohen në Statutin e saj.


Ortakët pasi lexuan me vëmendje kontratën e mësipërme dhe e gjetën konform vullnetit të tyre e nënshkruan rregullisht.

ORTAKËT

Sokol Qeraxhiu



Genci Likoskendaj



STATUTI
ISHOQËRISE ME PËRGJEGJËSI TË KUFIZUAR
« CCS Solution » SH.P.K.

Personat që nënshkruajnë më poshtë:

Sokol Qeraxhiu, e biri i Mehmetit, i datelindjes 16.05.1971, banuese ne Tirane, me adresen ne Rugen "Elbasanit" pallati i ri 12 kat. Prapa Leon-Parkut, me pashaporte Nr.Z1684967.
Genci Likoskendaj, i biri Laverit, i datelindjes 16.02.1969, lindur ne Fier dhe banues ne Tirane, Rruga « Komuna e Parisit », me pashaporte Nr. Z 0897034.

kanë hartuar si më poshtë vijon Statutin e një shoqërie me përgjegjësi të kufizuar të cilën në bazë të Kontratës së Themelimit kanë vendosur ta themelojnë:

KREU I
FORMA, EMERTIMI, OBJEKTI, SELIA, KOHEZGJATJA .

Neni 1

Krijohet një shoqëri me përgjegjësi të kufizuar e cila e ushtron veprimtarinë e saj në përputhje me legjislacionin shqiptar në fuqi dhe veçanërisht me ligjin Nr.7638 datë 19.11.1992 "Për Shoqëritë Tregtare" dhe aktet e tjera ligjore që do të jenë në fuqi gjatë ushtrimit të veprimtarisë së shoqërisë si dhe me dispozitat e këtij Statuti

Neni 2

Emërtimi i shoqërisë është "CCS Solution,, sh.p.k.

Neni 3

Shoqëria do të ketë objekt të veprimtarisë së saj:

- **Krijim, Zbatimi dhe Intergrim te sistemeve te Informacionit dhe Programeve;**
- **Zbatimi dhe Ndertimi i Sistemeve te Komunikimit ne rrjeta;**
- **Import dhe Eksport pajisjesh dhe programesh ne fushen e Teknologjise se Informacionit dhe te Komunikimit;**
- **Konsulence ne Fushen e Teknologjise se Informacionit, te Komunikimit dhe te Sigurise ne to;**
- **Mirembajtje dhe Administrim te Sistemeve te Informacionit si dhe te Sistemeve te Komunikimit.**

Selia e shoqërisë është ne Tirane, Rr."Sulejman Delvina", Pall. 2/1, Ap.2 prane Stadiumit Dinamo.

Neni 5

Kohëzgjatja e shoqërisë do të jetë pa afat, mbi 10 vjet.

Neni 6

Shoqëria ka vulën e saj në formën e përcaktuar nga ortakët.

KREU II KAPITALI THEMELTAR, KONTRIBUTET, PJESET E KAPITALIT THEMELTAR

Neni 7

Kapitali themeltar do të jetë 100.000 leke (njeqind mije).

Kapitali themeltar është i ndarë në 100 pjesë plotësisht të shlyera me vlerë 1000 lekë secila. të renditura sipas numrit të serisë nga 1 deri në 100.

Në rast zmadhimi të kapitalit themeltar me pjesë të reja, ortakët kanë të drejtën e përparësisë në nënshkrimin proporcionalisht me shumën e pjesëve të tyre.

Shoqëria mund të zvogëlojë kapitalin e saj. Zvogëlimi i kapitalit vendoset nga Asambleja e Ortakëve. Zvogëlimi i kapitalit prek të gjithë ortakët në të njëjtën masë.

Neni 8

Kapitali themeltar është i ndarë në pjesë kapitali:

Sokol Qeraxhiu	40%
Genci Likoskendaj	60%

Neni 9

Të gjitha pjesët e kapitalit themeltar nënshkruhen plotësisht dhe pastaj shpërndahen ndërmjet ortakëve sipas ndarjes së mësipërme dhe depozitohen përpara fillimit të aktivitetit të shoqërisë në një llogari të hapur në emër të shoqërisë.

Neni 10

Pjesët e kapitalit themeltar janë lirish të transferueshme ndërmjet ortakëve, në rrugë trashëgimie. Pjesët e kapitalit themeltar mund të transferohen të tretëve vetëm me miratimin e shumicës së ortakëve që zotërojnë 4/5 e pjesëve dhe jo në kushte më të favorshme se ato me të cilat i janë ofruar më parë ortakëve të tjerë.

KREU III

MARRJA E VENDIMEVE DHE KONTROLLI I SHOQËRISË, ADMINISTRIMI

Neni 11

Ortakët e shoqërisë përballojnë humbjet e saj deri në kufirin e vlerës së kontributit të tyre në kapitalin themeltar.

Çdo ortak ka të drejtë të marrë pjesë në mbledhjet dhe vendimet e Asamblesë vet ose nëpërmjet përfaqësuesit të tij dhe disponon një numër votash të barabart me pjesët e kapitalit themeltar që ai zotëron.

Mbledhja e Asamblesë mund të thirret nga një ose disa ortakë që zotërojnë mbi 1/10 e pjesëve të kapitalit themeltar, nga Administratori, nga ekspertët kontabël të autorizuar, po qe se ka të tillë ose nga likujduesi.

Asambleja e zakonshme vendos për çështje të tilla si; emërimin ose shkarkimin e administratorëve, ekspertëve kontabël të autorizuar dhe likujduesve, miratimin e raporteve të administrimit dhe kontrollit, miratimin e llogarive vjetore dhe ndarjen e fitimit..

Asambleja e jashtzakonshme vendos për çështje të tilla si; ndryshime të Statutit, zvogëlimi i kapitalit themeltar, transferimin e kapitalit themeltar tek të tretët, zgjatjen e kohës së veprimtarisë së shoqërisë apo likuidimin e saj, shndërrimin e shoqërisë nga SH.P.K. në një formë tjetër të shoqërive tregtare.

Asambleja e ortakëve vendimet e veta do të marrë me shumicë votash 50+1, me përjashtim kur në ligj kërkohet një përqindje më e lartë.

Neni 12

Administratore të shoqërisë do të jenë **Z. Sokol Qeraxhiu** dhe **Genci Likoskendaj**, të cileve u janë besuar të gjitha plotfuqitë e administrimit të zakonshëm dhe të jashtëzakonshëm, përjashtuar ato që ligji dhe Statuti ia rezervojnë Asamblesë.

Administratori i Shoqërisë do të rizgjidhet një herë në vit me të drejtë rizgjedhje.

Administratori i jepen të gjitha kompetencat të cilat ai i pranon, për të kryer të gjitha formalitetet e themelimit. Ai gjithashtu është i autorizuar të veprojë në emër të shoqërisë që do të krijohet deri në regjistrimin e saj në Gjykatën e Rrethit Gjyqësor Tiranë. Ai është i pajisur me mandat për të kryer akte dhe për të marrë angazhime në emër dhe për llogari të shoqërisë, të cilat i kalojnë shoqërisë nga çasti i regjistrimit.

Përveç të tjerave Administratori i është ngarkuar të kryejë akte dhe angazhime që janë në përputhje me objektin e shoqërisë dhe kompetencat e saj. Pas regjistrimit këto akte dhe angazhime i nënshtrohen miratimit të ortakëve jo më vonë se data e mbledhjes së Asamblesë që shqyrton dhe vendos mbi llogaritë e vitit të pare financiar. Ky miratim bën automatikisht kalimin e këtyre akteve dhe angazhimeve në ngarkim të shoqërisë.

Neni 13

Në rast nevojë ose kur e kërkon ligji, kontrolli i shoqërisë kryhet nga një ekspert kontabël i autorizuar, i emruar për tre vite financiare me mundësi rizgjedhjeje. Shkarkimi i ekspertit kontabël të autorizuar ashtu si edhe emërimi i tij vendoset me votimin e Asamblesë, kur vërehen gabime ose bëhet e pamundur kryerja e detyrës.

KREU IV

VITI FINANCIAR, LLOGARITË VJETORE, NDARJA E FITIMEVE

Neni 14

Viti i parë financiar fillon nga data e regjistrimit të shoqërisë dhe mbaron më 31 dhjetor 2007. Çdo vit tjetër financiar fillon më 1 janar dhe përfundon më 31 dhjetor.

Llogaritë vjetore, inventari, raportet mbi operacionet e vitit financiar dhe raportet e veçanta të hartuara nga Administratori dhe eventalisht nga eksperti kontabël i autorizuar, miratohen nga Asambleja.

Miratimi i bilancit vjetor bëhet brenda 31 marsit të vitit pasardhës.

Neni 15

Pas miratimit të llogarive vjetore dhe evidentimit të ekzistencës së fitimeve, Asambleja përcakton pjesën që u takon ortakëve në formën e dividendëve mbi fitimin. Fitimi, që do të ndahet ndërmjet ortakëve në përpjestim me pjesët e kapitalit, përbëhet nga fitimi i vitit financiar të cilit i janë zbritur shumat e lëna mënjane për fondin rezervë të domosdoshëm (5% e fitimit të çdo viti deri sa ky fond të arrijë vlerën e 1/10 së kapitalit themeltar) dhe nga ana tjetër të jenë zbritur ose shtuar respektivisht humbjet apo fitimet e mbartura nga viti i mëparshëm.

KREU V

ZGJATJA E AFATIT, PRISHJA, LIKUJDIMI I SHOQËRISE

Neni 16

Zgjatja e afatit të veprimtarisë së shoqërisë vendoset nga Asambleja

Neni 17

Shoqëria mund të priset me përfundimin e afatit të përcaktuar në këtë statut, me përjashtim të rasteve kur bëhet zgjatja e afatit sipas nenit 16 ose kur ka një prishje të parakohshme për arsyet e parashikuara në ligj ose me vendim me 4/5 e votave.

Shoqëria nuk priset kur njëri prej ortakëve falimenton, bëhet i pa aftë ose vdes.

Neni 18

Shoqëria hyn në procesin e likuidimit që në momentin e prishjes së saj. Për kryerjen e këtij procesi Asambleja emëron një ose disa likujdues, të cilët i paraqesin asaj raportin mbi gjëndjen e aktivitetit dhe pasivitetin të saj, mbi ndjekjen e operacioneve të likuidimit dhe mbi afatin e nevojshëm të përfundimit të tyre.

Në fund të procesit të likuidimit Asambleja vendos mbi bilancin përfundimtar financiar, mbi aktin e rregullshmërisë së punës së likujduesit dhe mbi mbylljen e procesit të likuidimit

Mbas pagimit të kreditorëve dhe shlyerjes së pjesëve të kapitalit themeltar tek kontribuesit përkatës, likujduesi ndan kapitalet e mbetura ndërmjet ortakëve proporcionalisht me pjesët e tyre të kapitalin themeltar.

KREU VI DISPOZITAT E FUNDIT

Neni 19

Shndërrimi i shoqërisë me përgjegjësi të kufizuar në një formë tjetër të shoqërive tregtare kryhet me vendim të Asamblesë së ortakëve.

Neni 20

Punësimi i punonjësve në shoqëri do të bëhet mbi bazën e Kontratës Kolektive të Punës. Në Kontratën Kolektive të Punës rregullohen këto çështje:

kushtet dhe mënyra e marrëdhënies së punës; fillimi i punës; koha e punës; mbrojtja në punë; të drejtat dhe detyrimet në punë; paga e punës, shpërblimi, etj.; pushimi i marrëdhënies së punës.

Neni 21


Të gjitha mosmarrëveshjet që mund të lindin ndërmjet ortakëve ose ndërmjet shoqërisë dhe ortakëve gjatë ekzistencës së shoqërisë ose gjatë periudhës së likuidimit, do të zgjidhen me mirkuptim ndërmjet tyre dhe kur mirkuptimi nuk arrihet organi kompetent do të jetë Gjykata e Rrethit.

Neni 22

Ky Statut është hartuar në Tiranë më 04.05.2007, në katër ekzemplarë origjinal duke patur fuqi të barabartë ligjore.

ORTAKET

Sokol Qeraxhiu



Genci Likoskendaj

